



Tiainakin booraraoi ibukin waaki n karikirake iaon karaoakin te ika ao te abea.

N banen te namwakaina ae nako ao e karairaki ana tiim te Minita n te Botaki n Akawa ao Karikirakean Kaubwaira mai Marawa mai Zhoushan China, imwin tiainakin boraraoi ma uoua (2) kambwana n akawa mai Tiaina aika te Golden Ocean ao te Zhejiang Ocean Family. Aio bon teuana mai ibuakon kabaeaia kambwana aikai ngkai akawa n ana Marawa Kiribati, bwa ana kona naba n buoka Kiribati n karaoi waaki n karikirake iaon karaoakin ika ibukin tamaroan ao karakaakin riki ana karekemwane Kiribati man te Ika.


Te waaki n ikarekebai aikai bon teuana mai ibuakon kakoroan nanon ana motinano te Tautaeke rinanon ana tabo n mwakuri ae te Botaki n Akawa

ao Karikirakean Kaubwain ara Marawa.

Iai uoua boraraoi ake a reke tiainakina inanon mwanangan ana tiim te tabo n mwakuri aio bwa teuana bon ibukin kateakin riki teuana te kambwana n karao ika ao te kauoua bon te aquaculture project ke te waaki n karikirake

ibukin kamaeuan ao kabwebwean baneawa inanon oo ni kabwebwe I taari.

E katereaki n te boraraoi bwa te tabo n karao ika are e na manga kateaki bon ti te arona ma te Kiribati Fish Limited, ike ana kona n karaoaki raoi iai ika n marawa ibukin mwaketenakia nako aban nako tinaniku. N te boraraoi aio ao e matata bwa te waaki n karikirake aio e bon taketena te abamwakoro ae Kiritimati, bwa e na reke bwa te matabaiawa ibukin karaoakin ika ake akawaaki n te aono n



raina. Te fish processing plant ke te tabo n karao ika aio e kantaningaki naba bwa e na karekea te mwakuri nakon te nati n Kiribati. E katereaki naba bwa te waaki n karikirake aio bon te Joint venture ke te waaki n ikarekebai ma kambwana n akawa aika Golden Ocean ao te Zhejiang Ocean Family ibukin kateimatoan te reitaki ae tamaroa ao karaoan karikirake ake ana mabiao riki iai kain Kiribati. E katautauaki bwa e nakon te mwaiti ae ruaia (9) te mirion mwanen Aotiteria bootan te kabanemwane ibukin kateakin ao ka-mwakuran te tabo n karao ika aio iaon Kiritimati.

Kanoan te kauoua n boraraoi

bon kamaeuan te taawa ke buun ni baeneawa I taari ibukin karekean te bait ke abean tenan kaibuke n akawa. Oin te kantaninga n te waaki n karikirake aio bwa e na reke bwa teuana te anga n karekemwane irarikin akawakin te ika n marawa. E kamataataaki n kanoan te boraraoi aio bwa te waaki n karikirake aio e na bon karaoaki iaon Tarawa ma ana kataumwane ae nakon te mwaiti ae tenea (3) te mirion te mwane n Aotiteria.

E kairaki te tiim aio iroun te Minita n te Botaki n Akawa ao Karikirakean Kaubwain ara Marawa ae Honorable, Tetabo

Nakara. N ana maroro te Minita aio are e anga n tain kamatoan boraraoi aikai ao e katerea bwa aio ana waaki te Tautaeka n Kiribati n kanakoraoa aron ana reitaki ma kambwana n akawa ibukin te waaki n karikirake iaon te ika, are e na kona n karaka riki te kabwaia tiaki ti nakoia kambwana aikai ma nakon te Tautaeka n Kiribati ao nakon naba ara botanaomata. E reitia man taekinna te Minita bwa tiainakin boraraoi aikai bon kakoroan naba nanon bukinakin te botaki n akawa ibukin kamwaitan riki ana waaki n karekemwane ibukin te rikirake are e na uaiakinaki inanon 20 te ririki ke te KV20.



Nimawa (5) ana Kaibuke n karaun Kiribati ma Ocean Family

Reitan kanoan mwanangan ana tiim Honorable Tetabo Nakara, te Minita n te Botaki n Akawa ao Karikirakean Kaubwain ara Marawa n te namwakaina ae nako ao e reke naba aia tai n tiaina te boraraoi ma te Zhejiang Ocean Family, are bon te kambwana n akawa mai Tiaina. Aio bon kamatoan te boraraoi ibukin kabaakin nimawa (5) ana Kaibuke n karaun Kiribati.

Kanoan te boraraoi aio bon te joint venture ke te waaki n ikarekebai imaren te Tautaeka n Kiribati ma te Zhejiang Ocean Family ibukin kabaakin nimawa ana kaibuke n karaun Kiribati. Aikai bon ana moan kaibuke n akawa Kiribati ma Zhejiang Ocean Family ibukin akawakin oin ana ika man ana marawa. E kantaningaki bwa te waaki n karikirake aio bwa e na bon akawa kanoan taabo n

karao ika ae te KFL i Betio ao are I Kiritimati. E kantaningaki bwa te karikirake aio e na karekea naba te mwakuri ibukin te nati n Kiribati. Aio naba bon kakoroan nanon mwiokoan te Botaki n Akawa ao Karikirakean Kaubwaira mai Marawa, rinanon ana motinano te Tautaeka iaon uaiakinan te rikirake inanon 20 te ririki ke te KV20.

Te boraraoi aio bon katanemwanekaan te waaki iaon kabaakin nimawa (5) kaibuke n akawa are bon kaibuke ni karaun ao are ai bon tibwa ana moan kaibuke n akawa Kiribati ae ana kabaaki aika a bon boou (brand new) iaon te joint venture ke n te waaki ni ikarekebai ao are ana bon bane ni buraeki iaon Kiribati

Bon iai tibwangaia ma katabeaia rabwata (Parties) aika uoua aikai ake ana kakoroi nanoia ma

akanne ake bon kanoan katabeaia bon imarenaia kioina ngkai bon ti ngaiia aika ana kaai ni bwaibwai ni kaibuke n akawa aika nimawa (5) aikai.

Karekean kaibuke aikai bon waaki ni karikirake are e na bon karekei mwakuri nakoia te nati ni Kiribati, ao tiaki ti ngaia ma e na uota naba te mwane nakon Kiribati iaon are a kantaningaki kaibuke aikai bwa ana kannanna ikai ao ni kanoai taabo ni karao ika are i Betio ao are i Kiritimati naba n te tai are e tia iai.

E bon bubura ana karikirake te Botaki n Akawa ma Karikirakean Kaubwaira mai Marawa aio ao are e kantaningaaki bwa e na kabwaroa te mwane ao man uota te rikirake nakoia te nati ni Kiribati.

Ana waaki Te Botaki n Akawa aikai bon kakoroan nanon tibwangana iaon katabeana are bon kaungan te ikarekebai ni karikirake man te akawa ibukin kamwaitan riki te kareke-mwane.

E kantaningaaki bwa e na waaki karaoan nanon te boraraoi aio mai imwiin te tai are tia n tiainaaki iai E tiainaaki te boraraoi aio n 20 bongin September 2018 i

Zhoushan China.

E ngae n anne ao te katautau ni botan te mwane are e na kabaneaki n te boraraoi ni ikarekebai aio e nakon tebubua tebwi tabun (110+) te million te mwane n Amerika.



E a taubobonga Teniwa (3) ana Kaibuke n Akawa Kiribati.

N rokon ana tiim te Minita ae Honorable Tetabo Nakara, i Tiaina n 22nd September, ao e bon reke naba aia tai n noria bwa e a bwaka iaa ngkai karaoan ana kaibuke n akawa Kiribati ake teniwa (3) ake a kabaaki iaon Tiaina iroun te kambwana n kaba ae te Zhongfu Weihai Shipyard. Kaibuke aikai bon taian kaibuke n katiki ke Longliners ae bon kaboaaki karaoakina ni kabane iroun te Tautaeke n Kiribati ao man bwaibwai naba iai n tingaia.

Man mwin norakin kaibuke n akawa aikai irouia kain te tiim aio

ao e a karaoa ana bukamaru ae uarereke te Minita ma kain ana tiim ibukin katekeraoan katokakin aran kaibuke n akawa aikai ao n kanikinaea taubobongan kabaakin kaibuke aikai. E kaainaki te bukamaru aio iroun te Kambwana are e kabai kaibuke aikai. E kakoaua naba te Tiim aio bwa iai mwakuri riki tabeua n katamaroa aika a rangin uarereke aika ana karaoaki riki ibukin katiakin raoi kaibuke aikai.

Aikai aran kaibuke ake a katokaki ma kabwarabwarakiia a ke a tia n karioaki.

Uamari – kabwarabwaraan nanona are e na bon uota te mari n taai nako ao ni kateimatoa te kabwaia, ma te marurung

Nei Mwanganibuka – bon te tia akawa n aron te karaki ngkoa ngkoa ai ngaia are te kaibuke aio e na bon rangi ni kokona ngkai Nei Mwanganibuka bon te tia akawa ae bane arona

Nei Kaneati – Nei Kaneati bon aran te matau n akawa are e karaoaki man te bwaeao ae raneanea ao ni katika matan te ika ao n rawata konam man kabonganakina ai ngaia are e na bon katika matan te ika te kaibuke aio ao ni kamwaita te ika n reke iai.

Te kantaninga n kaibuke aikai bwa e na kona naba n karekea te mwakuri nakon te nati n Kiribati ao n bon akawa oin ana ika. Aio naba bon teuana mai ibuakon katabean te Botaki n Akawa iaan mwiokoana n uaiakinan te rikirake ae 20 te ririki ke te KV20.



Katean te rabwata ibukin tararuakin ao tikonakin marin taari

Taskforce. Oin katean te rabwata aio bon tararuakin ao barongakin waaki n karikirake ibukin tararuakin ao tikonakin marin taari. E kairaki karaoan te maroro aio irouia taan mwakuri iaan te karikirake ae te

Te katenibong, 03/10/2018, ao e karaoa ana moan maroro terabwata ae aranaki bwa te Community-Based Resource Management

Community Based Fisheries Management, teuana mai ibuakon ana karikirake te botaki n akawa n mwangana are i Tanaea.

Aio te waaki are e waakina te Botaki n Akawa rinanon te karikirake mai Aotiteria ae te Community-Based Fisheries Management iaan katabeana mai iroun te kaebineti ibukin katean te kainibaire ibukin barongan anga n tarua ao tikona kaubwain taari.

Oin taben te bootaki ke te

Reitana Iteraniba 4

taskforce are e na kateaki aio bwa e na tarai itera ni karikirake ni kabane ake ana wakinaki man ana bootaki nako Te Tautaeaka ao bootaki aika inaomata ake a wakini karikirake inanon kaawa iaon abamwakoron nako Kiribati.

E kakoauaaki ae a kona n rangi ni mwaiti karikirake ake a



tia ni waakinaki man ana botaki n mwakuri nako Te Tautaeaka ma oin te kantaninga bwa man



katean te rabwata ae Te National Community-Based Resource Management Taskforce ao e nang akea te okioki ni mwakuri ao e na booti nanoia ana bootaki nako Te Tautaeaka ma bootaki riki tabeua ibukin te ikarekebai ni waaki n nano teuana man kabongaanan rabakauia ao aia taarena n aia itera aika a kakaokoro ake ngaia ae ana kakoroi nanon taian karikirake ake a waakinaki ma kaain kaawa n aban nako Kiribati.

N ana maroro ni kaukuuki Te Tarekita n Te Coastal Fisheries Division are i Tanaea ae ToorekaTeemari ao e mwaneweia ae" Ngkana ko kawaekoa ao waaki n tii ngkoe ma ngkana ko tangiria ni katiai baika a mwaiti ao kaai n airi" are nanona bwa ngkana iai te ikarekebai ni mwakuri iaon karikirake aika mwaiti ao ana koro nanoia ma ngkana bon temanna ibon irouna ao e na iai te mwaarara, te okioki ni mwakuri ao ni bon kona n aki koro nanon te iango n te karikirake anne.

Bon ti te bongina te bong are e kabaneaki ni karaon te maroro aio are ekaraoaki n Te Itoiningaina Centre are n Santa Maria i Bikenibeu.

Sea Ranching



N te 10 bongin Aokati, 2018, ao e karaoaki te bukamaru ae uarereke iaon Ambo, ibukin kanikinaean te moan waaki iaon kabirinakoan ao kamaeuan te tawaa ke buun n baeneawa i tanrion Ambo, iaon Tarawa Teinainano.



Aio bon teuana mai ibuakon ana waaki n karikirake te Botaki n Akawa ao Karikirakean Kaubwaira mai Marawa, rinanon mwangana ae te Aquaculture ike a mwakuri iai ma taan rabakau man te Taiwan Technical Mission (TTM) ibukin kabwebwean buun n baneawa ao kamaeukia I taari. Oin te kantaninga n te waaki aio bwa e na kona n manga reke te baneawa inanon te nama ibukin karawataakin aekakin ika aika ana kona n manga akawaaki ao



n karekea te amwarake nakon te botannaomata iaon Tarawa Teinaino. Aio bon te kauoua n tai n karaoaki kabirinakoan ao kamaeuan baneawa inanon te nama I Tarawa, bwa teuana te kakatai ae e na taraki bwa ngkana e nakoraoi ao e na kona n waakinaki nakon taabo riki tabeua. Te moan tai e bon karaoaki 4 te ririki n nako irouia naba kain te TTM n ikotaki ma kain te botaki

n akawa.

E kaainaki te bukamaru aei iroun te Ambassador mai i Taiwan, H.E. Wen-Cheng Sung ma ana tia koroboki, unimwanen kaawa n ikotaki ma taan rabakau man TTM aika Mr Lee, Mr Wang ao Mr Chen ao n barongaki karaoana irouia taan mwakuri man te Botaki n Akawa ao Karikirakean kaubwain ara Marawa.

E kaukaki te botaki aio iroun te Director n te Coastal Fisheries ike

Reitana Iteraniba 5

e a kabwarabwaraki iai aron kakawakin te waaki n karikirake aio ke te sea ranching are e na kona n manga karekea te mari inanon te nama I Tarawa. E reitaki te maroro iroun Mr Chiquang



iaon kabwarabwarakin unikakin te baneawa, ao n reitia n taku naba bwa a kona naba n kamaeuaki ao n unikaki te mwanai, te kereboki ao te were. Imwin taian maroro ao a kairaki irua iroun Mr Chen, ao n reireinia aron kabirinakon tenan bun n

baneawa ake a tia n katauraoko inanon 10 plastic bags ae a tia n kanoaki n kaka 100 mwaitin te bun n baneawa inanoia. Abwakin baneawa aikai ngke a kabirinakoaki bon kaka 1 te inti (inch).



E a tia ngkai n roko n tokina ana anga reirei te Botaki n Akawa ao Karikirakean Kaubwaira mai Marawa nakoia onoman ana Fisheries Extension Assistants aika a bou, iaon reiakinaia aron karaoakin aia mwakuri are ana kantaningaaki bwa ana karaoia n aia abamwakoro ake ana mwakuri iai aika Maiana, Abemama ao Nonouti.

E karaoaki te anga reirei aio inanon 5 te wiiki ao n kairaki irovia taan rabakau man aobitin te Botaki

n Akawa, Aobitin te Otabwanin, Aobitin Aaba inanoa ma te Umwanibong n ikotaki ma taan rabakau man te Taiwan Technical Mission (TTM). Te anga reirei aio e bon boboto iaon:

kawain ao aron karaoan ana oin tua te aba,

te reirei iaon karekean ao kateimatoan te reitaki ae tamaroa ma kain te aba,

karaoan karikirake n te akawa

ma taan akawa ao

anga reirei ibukin kabonganana bwaai n akawa ni Kiribati.

Inanon te anga reirei aio e kaungaki naba kabonganakin rabakau ke bwain akawa n Kiribati n aron te Kaneati, te bwanga n aine, te kaimanga ao a mwaiti riki ngkai e a tia n kakoauaki bwa aaki urua te rakai.

Reitana Iteraniba 6



N ikotaki ma anne ao te botaki n akawa e boboto ana anga reirei iaon

karaoan te hatchery ke nnen te were ni kabwebwe

Kamaeuan te were inanon te nama.

N te kauoua n wiiki n anga reirei ao e reke naba aia tai Fisheries Extension Assistants aikai n reireinaki iroun Mr Chen, temanna man Taiwan Technical Mission, aron kamaeuan te ika ae te baneawa ni nneia ae te Happa ao te pern. Aio are e a karaoaki n ana tabo n kabwebwe TTM are i ambo.

N te anga reirei aio ao e taekinna te tia rabakau aei bwa te Happa ae karaoaki man te b w a n g a (net) e kona n kabwebwea te mwaiti ni baneawa ae 1000.

Kanaia baneawa aikai e bon karaoaki man te burawa, te takataka ao nikiran amwarake. A kakamwarakeaki baneawa aikai n te ingabong, te tawanou ao te bwakantaai ni karokoa a roko n te roro ae 3 te inch ike e a tai iai nakon kamaeuan inanon te nama ke i taari.

N te katenua n wiiki ao e a manga boboto te reirei iaon aron warebaian marin taari ma rotakin taian rakai. E karaoaki te angareirei aio n Anderson Causeway ao Taborio Causeway ike e a karaoaki iai aron kabonganan aua (4) kawai aika ana kona n kabongana n warebwaia marin taari ma rakai

ake a rotaki. Kawai aikai aranaki bwa te reef belt transect, te soft infaunal quadrant, photo quadrant ao ai te creel survey.

- E reitinako te reirei n 2 te reirei iaon:
- Karaoan uruakin intinin te booti
- karaoan Boera n Kauu ika
- Karaoan ika(Post Harvest, Value adding)
- Te karao ribooti



Taan rabakau man aobitin te otabwanin (MELAD) e bon reke naba aia tai n anga naba aia reirei ao rabakau iaon:

- Bibitakin kanoan boong
- M a n g a k a b o n g a a n maange aika aki mka
- Uniki Tongo
- Kamatoan ana tua n kamakuri te Tautaeaka (NCS)

- Te License ibukin karaoan te karikirake
- Rongorongon te On
- Koro rongorongo/Kaongora
- Kamatebwaian aon te Ora (UVC)

E mwanenaki te reirei iroun te LDCF project man barongaaki irouia kain te Extension Unit mai Tanaea.

Kainin n te SPORTS



N tokin te bokakano nte takakaro n kamarurung are ewakinaki imarenaia ana botaki n makuri ma ana kambwana te tautaeaka ao eatia n karekea kanuanga te botaki n akawa ao karikirakean kaubaira mai imarawa nte takakaro aio ae te moanna nte butibooro irouia mwaane ao te kauoman nte nete irouia aine. Aio te takakaro are ewaakinna te MWYSSA inanon 6 namakaina ibukin boutokaan kamarungaia taan makuri.

